

說文段注訂補

第一冊

英文發音行禮

二二

說文

部

四

说文段注订补 四一册函

编著：〔清〕王绍兰

出版：文物出版社

北京五四大街29号

印刷：韩营大队装订厂

北京大兴县

发行：新华书店北京发行所

一九八二年七月木板刷印

定价：四十二元

统一书号：7068·913

吳興劉氏
嘉業堂刊

說文段注訂補第一

嘉業堂叢書

蕭山王紹蘭學

一惟初大極

補曰心部惟凡思也刀部初始也从刀衣裁衣之始也引申之凡始皆曰初故爾雅釋詁曰初始也周易繫辭傳曰是故易有大極是生兩儀虞翻曰大極大一也分爲天地故生兩儀也大極卽大一在天地未分之前追溯其初故云惟初大極

道立於一

補曰辵部道所行道也一達謂之道孟子曰夫道若大路然立部大恒也從大立一之上於者身部重文

作於說云象古文鳥省是於卽鳥也孔子曰鳥呬呬也取其助氣經傳因以於爲語助言道立於一者三部三天地人之道也繫辭傳曰易之爲書也廣大悉備有天道焉有人道焉有地道焉兼三才而兩之故六六者非它也三才之道也是之謂道說卦傳曰昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義立之斯立是之謂道立王部引孔子曰一貫三爲王上一卽天道下一卽地道中一卽人道豎一爲一以貫之此據兩儀旣生爲說然大極之初元氣雖壹壹未判而天地人之道固已先立於一矣故云道立於

一
造分天地

補曰爾雅釋言作造爲也作造爲三字互訓則造亦作故周官膳夫鄭注云造作也作有始義則造亦有始義故呂氏春秋大樂篇下賢篇高注竝云造始也八部分別也從八從刀刀以分別物也造分猶言始分天字解云天顛也至高無上從一大地字解云元氣初分輕清陽爲天重濁陰爲地萬物所陳列也從土也聲禮運曰夫禮必本於大一分而爲天地天地於大一之後始分故云造分天地

化生萬物

韻會引作生

補曰化者匕之借字匕部匕變也從到人化教行也與變化義

別生部生進也象艸木生出土上萬本蟲名𠂔部𧈧

蟲也從𠂔象形禮記借范艸之范爲萬檀弓內則鄭

注竝云范蜂也然則萬蟲卽蠡蠡之起也羣蠡從以

萬數故借以爲千萬字風俗通論數曰十十謂之百

十百謂之千十十謂之萬太平御覽卷七百五十牛部物萬物

也牛爲大物天地之數起於牽牛故從牛勿聲繫辭

傳曰範圍天地之化而不過曲成萬物而不遺敍卦

傳曰有天地然後萬物生焉明萬物非天地之化不

生故云化生萬物總而論之祭酒此說蓋言思惟始

初大極之前天地未分函三爲一道已於是乎立及

一分爲天地萬物於是乎生故乾鑿度引孔子曰易

始於大極

鄭注云氣象未分之時天地之所始也

大極分而爲二故生

天地又曰一者形變之始輕清者上爲天濁重者下

爲地物有始有壯有究故三畫而成乾乾坤相竝俱

生物有陰陽因而重之故六畫而成卦三畫以下爲

地四畫以上爲天物感以動類相應也陽動而進陰

動而退故陽以七陰以八爲彖易一陰一陽合而爲

十五之謂道

鄭注云彖者爻之不變動者五象天數奇也十象地數耦也合天地之數乃謂

道之老子道化篇道生一一生二二生三三生萬物呂

氏春秋大樂篇大一出兩儀兩儀出陰陽

高注云陰出生也

陽變化一上一下合而成章又曰天地車輪終則復

始萬物所出造於大一化於陰陽淮南子原道訓道者一立而萬物生矣是故一之理施四海一之解際天地萬物之總皆闕一孔百事之根皆出一門是皆許說之所本也此四句以極一地物爲韻小雅斯千篇地與楊韻讀若狄亥字古文說云亥爲豕與豕同亥亥而生子復從一起亦四句以豕意子起爲韻自敍云立一爲耑畢終於亥起訖皆用韻語足徵古人著書始終謹嚴之灋

凡一之屬皆從一

補曰二部凡字解云最括也必言凡者敍云分別部居不相雜廁又云其建首也立一爲耑方曰類聚物

以羣分同條牽屬共理相貫襍而不遞據形系聯引而申之以究萬原畢終於亥知化窮冥是其文字繁多各有統屬故須發凡以爲最括周官宰夫職曰掌官成以治凡左氏隱十一年傳凡諸侯有命告則書不然則否杜注謂此蓋周禮之舊制其釋例云傳凡者五十其別四十有九以母弟二凡其誼不異說文每部之首言凡誼取周官左氏矣某之屬者尾部屬連也謂連其字使有所統猶周官則帥其屬之屬也皆從某者从部從隨行也謂隨其文各依其類猶周官則從其長之從也又全書言凡某之屬皆從某非僅指本部而言它部有從某字者皆於此部凡某該

之如一部元天丕吏之從一自不待言若帝下云古

文諸上字皆從一王下云孔子曰一貫三爲王一卽

豎故云士事也數始於一終於十從一從十孔子曰

推一合十爲士

韻會所引如此玉篇同

屯難也象艸木之初生

屯然而難從少貫一一者地也薺藏也從舛在艸中

一其中所以薦之正是也從止一以止足古文正從

一足足亦止也屮犯也從反入從一十數之具也一

爲東西一爲南北則四方中央具矣言聲也從言含

一肅所以書也從肅一聲言十分也人手卻一寸動

廂謂之寸口從言一百十也從一白數十百爲一

貫相章也再一舉而二也從一肅省言五指拊也從

受一聲办傷也從刃從一曰美也從日含一一道也
丂气欲舒出上礙於一也亏於也象气之舒亏從
丂從一一者其气平也显祭所薦牲皿也從皿一象
皿形△三合也從入一象三合之形𣎵木下曰本從
木一在其下𣎵赤心木松柏屬從木一在其中一者
記其心下五字據韻會引補束木上曰末從木一其上也𣎵艸
木之初也從一上貫一將生枝葉一者地也𣎵出也
象艸過𣎵枝莖益大有所之一者地也𣎵止也從𣎵
盛而一橫止之兒也𣎵艸葉也從𣎵穗上貫一下有
根象形日實也太陽之精不虧從日一象形旦明也
從日見一上一地也𣎵穿物持之也從一橫𣎵

各本皆作

貫據許說
當如此

象寶貨之形並一種而久生者故謂之並

象形在一之上地也此與耑同意

一地也三字小
徐本無韻會以

爲徐錯說廣韻集韻類篇
皆有此三字與大徐同

覆也從一兩二十四銖爲一兩從一兩平分於土

之高也從𠂔從一一地也𠂔高而上平也從一在人

上后繼體君也象人之形施令以告四方故𠂔之從

一口發號者君后也易開也從日一勿𠂔馬一歲也

從馬一絆其足而夫也從大一以象簪也立𠂔也從

大立一之上溼从水一所以覆也𠂔害也從一雝川

雨水從雲下也一象天口象雲水霑其間也𠂔鳥飛

上翔不下來也從一一猶天也象形𠂔鳥飛從高下

上翔不下來也從一一猶天也象形𠂔鳥飛從高下

至地也從一一猶地也象形不上去而至下來也𠂔

本也

韻會引有此二字

至也從氏下箸一一地也𠂔平頭戟

也從𠂔一橫之象形或邦也從口從戈以守一一地

𠂔止也一曰𠂔也從𠂔一一有所礙也

末五字據韻會引補

𠂔

袞袞有所俠藏也從𠂔上有一覆之二地之數也從

耦一与賜予也一与爲与且薦也從口足有二橫一

其下地𠂔陽之正也從一微陰從中袞出也𠂔古文

甲始於一見於十歲成於木之象丙位南方萬物成

炳然陰气初起陽气將虧從一入口一者陽也辛秋

時萬物成而輒金剛味辛辛痛卽泣出從一從辛辛

皐也𠂔古文酉從𠂔從一

據類篇

𠂔爲春門萬物已

出卯爲秋門萬物已入更開門象也戌滅也九月陽
氣微陽下入地戌含一也五行土生於戌盛於戌從
戌一亦聲以上諸一字皆一之屬皆從道立於一之
一故云凡一之屬皆從一舉此一隅其餘五百三十
九部皆可以此推之

弋古文一

補曰吳氏穎芳說文理董云弋者杙之省猶枚也一
枚爲弋弋弋竝同紹蘭按一古文弋而以弋爲古文
一者禮經公食大夫禮一以授賓鄭注云古文一爲
壹壹亦不古於一此漢時注經者所謂古文如士冠
禮闌西闕外注云古文闌爲槩闕爲蹕下文孝友時